

## 太九公傳

太九公爲吾同宗始祖端公二十世孫也世居長沙滄浪橋自有明定鼎後率妻子赴沅江之芷泉河插標落業爾時天下方定民風未淳公好任俠遇欺侮事輒平反後逢異人傳劍術神其技人共畏敬之一時盜賊爲之靖然公素謹不自炫公嗣五長曰鍾才次曰鍾道再次鍾祥均一世之雄季四鍾四行莫詳而才道二公大有父風跡遍江湖不以田舍爲務鍾祥公則忠直而信謹純樸而敦厚公篤愛之嘗曰汝二兄雖克紹余志究非子孫計汝其善守田廬以供祭祀吾死當默佑之卒以游俠

終世後人感之建祠刻像致祀泉河有禱者無不驗香火不絕  
戶闕幾爲之穿公三嗣中才道二公均別開生面平泉木石遂  
付祥公今其一支環聚泉河尙八百餘口瓜瓞綿綿方興未艾  
近且蔓延漢壽益陽等縣一鳴客游泉河備聞其事恐其久而  
失真也爰綴數語紀公行畧請登譜帖以誌勿護云

民 國 二 十 四 年 乙 亥 歲 族 晚 一 鳴 謹 撰